

Prof. Dr. Velija Katica, gradski vijećnik

GRAD SARAJEVO
GRADSKO VIJEĆE

N/r Dr. Igor Gavrić, predsjedavajući Gradskog vijeća

PREDMET: Prijedlog Komisiji za izbor i imenovanja Gradskog vijeća Grada Sarajeva za
dodjelu priznanja “Plaketa Grada Sarajeva” gospodinu Muhamedu Bikiću

Poštovani,

Na osnovu člana 12. Odluke o priznanjima i nagradi Grada Sarajeva (“Službene novine Kantona Sarajevo”, broj 34/10, 14/14 i 31/14) kojim je, između ostalog, propisano da prijedlog za dodjelu priznanja mogu podnijeti vijećnici Gradskog vijeća Grada Sarajeva, a postupajući u skladu sa zaključkom Odbora za dodjelu “Šestoaprilske nagrade Grada Sarajeva” u 2019. godini koji je donesen na sjednici održanoj 11.02.2019. godine, podnosim

PRIJEDLOG
za dodjelu priznanja “Plaketa Grada Sarajeva”
Muhamedu Bikiću, sportskom novinaru i publicisti

OBRAZLOŽENJE

Muhamed Bikić, rođen je 23. maja 1973. godine u Sarajevu, gdje je završio osnovnu i srednju školu. Diplomirao je na Pravnom fakultetu 2003. godine, te magistrirao na Fakultetu sporta i tjelesnog odgoja Univerziteta u Sarajevu 2009. godine.

Jedan je od začetnika ideje sportskog prava u BiH, a njegov magistarski rad je bio upravo u tom pravcu, gdje je sublimirao sport, pravo, novinarstvo i psihologiju. Predavač je sportskog prava na raznim seminarima u BiH.

Dugogodišnji je sportski novinar i publicista, (1995.) u pisanim i elektronskim medijima, uređuje i vodi prvenstveno emisije koje promoviraju BH sport i BH sportiste u zemlji i inostranstvu: “Sportski vremeplov”, “Hayat sport”, “AS exluziv”, “Top mundijal”. Autor je knjiga “Hadžijsko drvo”, “Po(r)uka”, “Sportskivremeplov.ba” i filma “Keli”.

Dobitnik je brojnih nagrada, priznanja i zahvalnica (Olimpijskog komiteta BiH, Sportskog saveza BiH...).

Autor je dokumentarnog filma “Keli”. Dokumentarni film “Keli” govori o životu i smrti Želimira Vidovića Kelija, legendarnog fudbalera Sarajeva i reprezentativca ex Jugoslavije koji

je ubijen 17. maja 1992. godine u blizini Aerodromskog naselja u humanoj misiji – prevozeći ranjenike iz Dobrinjske u bolnicu Koševo.

Plaketa Grada Sarajeva bi bila višestruko priznanje i zahvalnost kako autoru Muhamedu Bikiću tako još i više porodici Želimira Vidovića Kelija, koja je ponosna na supruga, oca, dedu i njegovim sportskim prijateljima koji čuvaju sjećanje na svog Sarajliju sa ljudskim likom i velikim srcem.

Prof. Dr. Velija Katica, s.r.

Sarajevo, 11.02.2019. godine